








DISSERTATIO MEDICO-PRACTICA

INAUGURALIS.

175

LIBRARY OF THE MEDICAL DEPARTMENT

IN LONDON

18572
DISSERTATIO MEDICO-PRACTICA
INAUGURALIS

DE

SYPHILITIDE
INFANTUM,

QUAM,

FAVENTE SUMMO NUMINE,

EX AUCTORITATE

RECTORIS MAGNIFICI

JACOBI BAART DE LA FAILLE,

A. L. M. Phil. Doct. Math. et Phys. Prof. Ord.

et

FACULTATIS MEDICAE CONSENSU

PRO GRADU DOCTORATUS,

SUMMISQUE IN MEDICINA HONORIBUS RITE
ET LEGITIME CONSEQUENDIS,

IN CHORO TEMPLI ACADEMICI,

Publico ac solemni examini offert

CASPARUS ALBERTUS OVERDUYN,

HAGANUS,

ad diem XIX Iunii MDCCCXIX. Hora XI.

GRONINGAE,

Apud I. O O M K E N S,

Typographum Academicum.

THE NEW YORK PUBLIC LIBRARY

12

ASTOR LENOX TILDEN FOUNDATION

1215 Broadway, New York, N. Y.

1898

1898

1898

1898

1898

1898

1898

1898

1898

1898

1898

1898

1898

1898

1898

1898

1898

1898

1898

VIRO ILLUSTRISSIMO
SEBALDO IUSTINO BRUGMANS,

Equiti ordinis regii leonis belgici, imperialis russici sanctae annae, nec
non regii borussici aquilae rubrae, inspectori generali rerum
medicarum militarium regni belgici, nec non professori medi-
cinae, chemiae, botanices et historiae naturalis in
academia leidensi, etc. etc. etc.

UT ET

VIRO DOCTISSIMO
C. G. E. MERGELL, MED. DOCT.

equiti ordinis regii gallici honoratae legionis, inspectori
rerum medicarum militarium in provinciis septen-
trionalibus regni belgici etc. etc.

AC

PRAECEPTORIBUS
AESTUMATISSIMIS

In grati animi testimonium
omni qua par est reve-
rentia offert

AUCTOR.

Digitized by the Internet Archive
in 2026

DISSERTATIO
MEDICO-PRACTICA
INAUGURALIS,
DE
SYPHILITIDE INFANTUM.

INTRODUCTIO.

Inter varios auctores, qui de infectione venereâ scripserunt, plurimi hanc dicunt quandam conditionem morbosam, a viru peculiari ortam, quod virûs corpus humanum primo quidem topice, dein vero, pro variis rebus circumstantibus citius vel ferius, totam corporis fabricam ita afficit, ut notabiles inde mu-

A ta-

tationes quarumvis organismi partium oriri possint, quae, licet tantum symptomata sint, morbum tamen essentialem constituunt.

Ignorabatur olim, cum in Europâ primum apparuit, Luem veneream contagione propagari usu veneris, aegrotis scilicet modum, quo inquinati erant, caute dissimulantibus, ut flagitia celarent, vel forsân non suspicantibus tam gravem morbum contrahi posse solâ venere, utpote contagionis modo plane iis incognito.

Hanc igitur ob rationem accidere potuit, ut medici illius temporis novum hoc morborum genus, more cacterorum contagiosorum, epidemicum seu populare esse crediderint, et proinde originem trahere a causâ externâ et generali, qualis a nonnullis habebatur noxius astrorum influxus vel planetarum adspectus,
ab

ab aliis vero conditio aëris infalubris, a pluviis vel inundationibus orta (1).

Sed effulfit tandem veritas, et certâ ac constanti experienciâ iam dudum innotuit, quod unanimi etiam medicorum testimonio ulterius corroboratum est, Lue veneream non contrahi errore dietæ vel aëris vitio, neque suâ sponte in corpore humano evolvi, sed solummodo propagari, si corpus, Lue venereâ affectum, attingat alterum adhuc sanum, quando virus ex illo in hoc transfertur.

Mor-

(1) Conf. Gaspar Tortella, in tractatu de Pudentagra, Ao. 1500. — Jacobus Cataneus, de Morbo Gallico, 1505. — Astruc, de Morbis Venereis, Paris 1740. — Hensler, Geschichte der Lustfeuche, Hamb. 1783. — S. A. Walch, Ausfuhr. Darstell. d. Ursprungs, d. Erkenntnisf, Heilung und Vorbauung d. Vener. Krankh., Jena 1811.

Morbus hicce sub formis valde diversis prodit, et saepe difficilis est cognitu, propter modificationes, quas vario modo in corpore et organis subit, vel in iis producit, unde facilius cum aliis vitiis tam chronicis quam acutis confundi potest.

Accedit praeterea, materiam syphiliticam saepe multos per annos in corpore latere, absque ullo sanitatis labefactatae vel Luis praesentis indicio, et subinde quaedam symptomata prodire, quae tunc facillime pro alio morbo haberi posunt, et pro tempore etiam medicamentis iis oppositis auscultant, donec, post aliquam moram, tanta huius materiae virulentae copia in corpore sit producta, quanta sufficiat, ut generalis labes omni ex parte erumpat.

Quum porro saepissime fit, ut virus syphiliticum lateat in gravidâ, et infans sic corripiatur, qui hoc in casu, aliquan-

quando cum signis conspicuis labis venereae nascitur, nonnunquam vero, primo post nativitatem tempore, sanitate quidem illibatâ gaudere videtur, ast aliquo tempore praeterlapso symptomata labis generalis offert, et postea brevi plurima eius organa ita corripiuntur, ut, viribus talis infelicis infantis exhaustis et dissolutione generali humorum obortâ, tandem morti succumbat, nisi tempestive, morbi fomite cognito, aptâ medelâ tollatur morbus, atque sequelae amoveantur.

Huius itaque ultimae asfertationis veritatem serio perpensam tanti habui, ut gratum fore cogitarem laborem, si huius infantum morbi pertractationem, pro speciminis profectuum meorum materiâ, elaborandam mihi fumerem; quotidianâ enim experienciâ convictum me habeo, non exiguum esse eiusmodi infantum

adeo infelicium numerum, quemadmodum pluries expertus sum, in primis in exercitu, ubi plura huius rei exempla continuo observare mihi licuit.

Imo tantum huius rei momentum mihi videtur, ut lubenter Francorum institutis laudes debitas tribuam, quibus, variis in urbibus, nosocomia, gravidis et infantibus Lue venereâ laborantibus recipiendis inservientia, sunt exstructa (2); qualia nosocomia summae certe utilitatis etiam essent nostrâ in patriâ, ideoque non possum non, quia medicorum non solum, verum etiam magistratus attentioni magnopere hanc rem commendem.

In

(2) Conf. Doublet, *Memoires sur les symptomes et le traitement de la maladie vénérienne dans les enfans nouveaux-nés*, Paris 1781. — Mahon, *Memoires de la Societé d'Emulation*, Tom. II. — Le Blanc, *Dissertation sur la Maladie Vénérienne des enfans nouveaux-nés*, Paris 1803.

In pertractandâ hac materiâ frequentem elegi ordinem, ut agam in

Cap. 1^o de Modis infectionis variis;

2^o de Symptomatibus morbi,
eiusque Diagnosi;

3^o de Prognosi;

4^o de Ratione medendi.



CAPUT PRIMUM.

De variis infectionis modis.

§ 1.

Infectio venerea infantis potissimum quadruplici modo fieri videtur, et

- 1° quidem durante graviditatis tempore,
- 2° durante partu, quando genitalia materna virus illud continent, et sic infanti nascenti communicant,
- 3° si mammae, hoc viru affectae, infanti praebeantur,
- 4° denique materiâ syphiliticâ quocumque modo cuti vel partibus, teneriori epithelio obductis, communicatâ.

§ 2.

§ 2.

Anno iam 1516 observaverat Jacobus Cataneus, Medicus Italus, a Clar. Astruc (3) laudatus, morbos venereos, quibus afficiebantur adulti, non solum cum his, verum etiam cum infantibus communicari „videmus enim, inquit, nonnullos infantes lactentes, morbo gallico, a parentibus accepto, infectos hanc affectionem suis nutricibus reddere.”

Musa Brasavolus, Ferrariensis (4), qui scripsit anno 1553, etiam existentiam contagii haereditarii syphilitici probat; non vero modum, quo viru hoc afficiantur aegri, explicat, sed casus
tres

(3) Conf. Astruc, de Morbis Venereis, Tom. II, pag. 595.

(4) De Morbo Gallico, Venet. 1553.

tres infantum diversae aetatis, hac affectione morbosâ laborantium, affert.

Porro Augierus Ferrierus anno 1553 tractatum conscripsit de Pudenda-grâ, in quo curationem syphilitidis infantilis accurate notavit, postquam affirmaverat, hanc labem in utero contrahi posse, et corruptioni seminis virilis vel feminini tribuendam esse.

Non tamen defuerunt medici, qui, infectionem veneream in utero posse communicari, negarunt, uti Girtanner (5), Richter (6), Hunter (7), Walch (8),
Hahr

(5) Girtanner, Abhandlung über d. Vener. Krankheiten, 4te auflage, Gött. 1802.

(6) Richter, die Specielle Therapie, V Band. Berlin 1817.

(7) J. Hunter, Abhandlung über d. Venerif. Krankh. a. d. Engl., Leipz. 1787.

(8) S. A. Walch, Ausfuhr. Darstell. d. Urspr.
der

Hahnemann (9), et solummodo prae-dispositionem peculiarem admiserunt, quâ infans ad contrahendum ipsum morbum aptus redderetur.

Si vero arctum matrem inter et infantem vinculum consideremus, quis est, qui non perspiciat, ut ut consuetudines et vultus parentum infantibus saepius sunt innati, etiam labem eorum cum hisce communicari debere.

Alia praetermittam, tantummodo commemorans, plura esse exempla infantum, qui ipso partus tempore signa non dubia reddebant variolarum, in utero perpesarum, quibus mater durante graviditate laboraverat.

Hoc

der Erkenntnisf, Heilung und Vorbauung der Vener. Krankheit, Jena 1811.

(9) Hahnemann, über Venerische Krankheiten, pag. 274.

Hoc tempore porro observatio abunde docuit, non raro infantes nasci cum signis conspicuis syphilitidis a parentibus, Lue venereâ correptis; imo, quod mirabilius, a patre syphilitico generari, et enasci aliquando infantes, signa Luis venereae ostendentes, sanâ tamen matre! et contra etiam, patre sano, sed matre labe venereâ laborante, quemadmodum olim iam observavit Victorius Trincavellius (10); dixit enim: „se no-
„visse, dum Patavii iunior artium stu-
„diis navaret operam, quod uxor cu-
„iusdam iuris confulti, qui morbo gal-
„li-

(10) Vict. Trincavellius de Ratione curandi partic. human. corporis affect. Lib. II, Cap. 17. Patavini 1550. Vid. etiam Swediaur, traité complet sur les symptomes, les effets, la nature et le traitement des Maladies syphilitiques. 7^e Edⁿ. Par. 1817. Tom. II. pag. 9, 16 et 116.

„lico affligebatur, cum ipsa nunquam
„signum aliquod contractae illius labis
„haberet, sed semper omnino integra
„fuisset, foetum tamen edidit crusto-
„sis ulceribus undique scatentem.”

Accedit praeterea, a parentibus, nullo quidem symptomate syphilitidis durante matrimonio laborantibus, sed ante matrimonium gonorrhoeâ, licet etiam simplici, vel ulcusculis venereis affectis, nasci nihilo minus infantes labe venereâ correptos.

Ex pluribus exemplis, quae ab auctoribus afferuntur, solummodo casum, quem observavit Doct. Pelletan (11), enarrabo; hîc enim e quatuor infantibus, a feminâ primariâ, ante matrimonium
sy-

(11) Pelletan, Clinique chirurgicale ou memoires et observations de chirurgie clinique et sur d'autres objets relatifs à l'art. de guerir. Paris 1810.

syphilitide correptâ, sed durante hoc nullum signum syphilitidis offerente, in lucem editis, tres ante primae dentitionis tempus multa Luis venereae signa exhibuerunt, et inde mortui sunt; quartus vero infans, tantummodo curâ plane antivenericâ matris, durante graviditate, ab hoc vitio immunis fuit servatus.

Quocum etiam consentit Cel. Astruc (12), affirmans „saepe vidisse rachitidem aut affectos rachitidis congenere, res, strumas aut strumosos glandularum meseraicarum tumores, atrophiam pulmonarem, osium distortionem, unde gibbositatem aliosque non paucos eiusmodi morbos, a Lue venericâ degeneratâ ortos, in tenella infantum corpuscula traductos fuisse.”

Nar-

(12) Astruc de Morbis venericis, Tom. I.

Narrat etiam Doct. Merklin (13), historiam nobilis cuiusdam feminae gravidæ, inter edendum suffocatae, cuius in faucibus, sectione cadaveris institutâ, ulcus venereum inveniebatur, quo tota epiglottis erat consumpta; foetus autem, sectione caesareâ extractus, idem ulcus in eodem loco monstrabat, præterea hic et illic exostoses simul cum aliis signis syphiliticis aderant.

§ 3.

Multi ut auctores de primo infectionis modo dubitarunt, ita nullus datur, qui alterum infectionis modum, nempe durante partu, non admiserit; nil enim

im-

(13) Encyclopedie Methodique de Chirurgie par de la Roche et Petit Radel. Tom. II, pag. 488. Paris 1792.

impedit, quo minus partes infantis, praeter caeteris epithelio tenuiori tectae, viru illo contaminentur, inflammationem inde fubeant specialem et propriam, materiamque huic analogam producant, a quâ, cum vasis absorbentibus communicatâ, caeterum quoque corpus affici queat; unde tunc in genere cachexiae, in specie Luis venereae, symptomata exoriuntur.

§ 4.

Eodem modo rem sese habere, nemo non intelligit, si mammae vel matris vel nutricis, ulcere venereo correptae sint, et pus, ex illo stillans, ab ore infantis, utpote epithelio tenuiori obducto, recipiatur; unde tunc primo quidem localia, dein vero generalia infectionis symptomata producuntur.

§ 5.

§ 5.

Idem valere de sanie venereâ, quocunque etiam loco secretâ, et infantis vasis abforbentibus oblata, suâ sponte intelligitur; unde quartus infectionis modus originem trahere diximus, et cui infectioni in primis ansam præbere mihi videtur consuetudo illa prava ancillarum vel etiam ipfisfimarum matrum, quae permittunt, unumquemque infantes non solum tractare, sed etiam iis oscula dare, quum vel digitis, ob ulceris veneriei tractationem pure syphilitico inquinatis, vel ipfis labiis, eiusmodi ulceribus in ipfis labiis, ore vel faucibus obviis, infantes attingentes, cum iis virus facillime communicant.

§ 6.

Notandum insuper, saepe complures

B

in-

infantes eadem in domo vitam degere, secum invicem commercium alere, iisdem utensilibus, caeterisque rebus iisdem uti, unde facillime fit, ut omnes, cum saepius horum aliquis morbo quodam venereo laboret, eodem corripiantur vitio.

C A P U T II.

De Symptomatibus.

§ I.

Syphilis infantum tot varia symptomata offert, quae partim ab ipsâ Lue, partim ab irritabilitate et sensibilitate maiore corporis infantilis dependere possunt; unde difficilis est omnino recta eorum distinctio, quae certe requirit medicum summopere prudentem.

Ad

Ad haec referri possunt :

- 1° Ophthalmia ita dicta neonatorum, quae in omni casu non quidem venerea est dicenda, saepius tamen huius naturae est observata.
- 2° Excoriationes vel maculae lividae cutis, quas ulcera magis minusve superficialia sequuntur, praesertim ubi illae circa os, genitalia et anum prodeunt; ulcera autem haec nonnunquam etiam, in casu graviore, ad frontem, umbilicum et os sacrum conspiciuntur (14).
- 3° Pustulae parvae, quibus superficies corporis hic et illic, praecipue circa anum et genitalia, obducitur.

4°

(14) Mahon, über Venerische Krankheiten neugeb. Kinder i. d. abhandl. für pract. artze, Band 19, St. 3, p. 396, et Band 20, St. 1, pag 1.

- 4° Secretio vaginae, narium atque aurium aucta, valde copiosa, et indolis valde mutatae, a naturali multum abludentem, ac partes circumiacentes arrodentem materiam praebens.
- 5° Tumores glandularum, praecipue axillarium vel inguinalium, subito in suppurationem transeuntium.
- 6° Inflammatio faucium chronica.
- 7° Morbi osium diversi.

§ 2.

Diagnosıs.

Quamvis res magni sit momenti, a morbis vicinis distinguere Luem veneream, illud nihilominus plurimis in casibus aegre fieri, si morbi causa non in promptu sit, quisque facile intelligit, quum eadem

dem symptomata, quae in § praecedente Lue syphiliticâ affectis tribuimus, etiam ab aliis causis possunt produci, v. c. ab acri scrophuloso, acido primarum viarum, scabie, vel aliâ quacunque labe.

A scrophulâ praecipue difficulter distinguitur, quae eadem organa, modo vix diverso, afficere solet. Hoc igitur in casu omnis opera est danda, ut modus infectionis intelligatur; si vero hunc detegere non valeamus, ex externo infantis habitu, facie senem repraesentante, oculis aquosis, colore cutis livido, glandularum submaxillarium et cervicalium tumore, scrophula est cognoscenda, dum Lues venerea est dignoscenda pertinciâ morbi, progressu celeriori symptomatum, et iuvantibus vel nocentibus medicamentis. In scrophulâ potissimum et fere semper partes molles, in syphiliti-

de non raro osâ nasalia, palati, faciei, brachiorum et crurum afficiuntur.

Tumores autem scrophulosi et venerei a se invicem vix distingui possunt, dum ambo saepe effluxum materiae purulentae ex naribus auribusque comitem habeant.

Ulcera scrophulosa superficiem ostendunt coeruleam, saepius sanguinolentam, et eorum margines convoluti tument et livent; ulcera venerea e contra regularem, rotundam et planam offerunt superficiem, materiâ spissâ albâ et tenaci notantur, et non aliis remediis quam mercurialibus auscultant, dum scrophulosa ulcera roborantibus atque balsamicis ferre semper emendantur (15).

Ab

(15) Conf. Doublet, l. c. Paris 1781. Schoenheyder, de syphilitide infantum, in Act. Societ. Hafnienfis, anno 1779. Tom. III, pag. 207.

Ab exanthemate illo et tumore glandularum, quae ab acido primarum viarum producuntur, discernitur exanthema venereum universalibus depravatae ciborum concoctionis indiciis, uti doloribus in abdomine, vomitu acido, eiectionibus alvinis acidum redolentibus, caefosis et biliosis; quibus sublatis caetera sponte evanescunt symptomata morbofa.

A scabie distinguitur exanthema syphiliticum, quod in scabie praeter cutem non adeo alia organa afficiantur, et haec saepissime apto unguento tollatur.

Sua sponte sequitur, his omnibus in casibus symptomata, supra enumerata, semper curatius diiudicanda esse e parentum valetudine.

De symptomatibus agentes ophthalmiam neonatorum recensuimus, et diximus, non omnem hanc esse veneream;

cum vero eiusmodi est indolis, genitalia matris fere semper uno alterove vitio venereo correpta sunt, quo cognito nullum amplius superest dubium, quin infans durante partu affici potuerit; quod cum ita sit, sponte apparet, hanc oculorum inflammationem pertinere ad specificas inflammationes, a quodam stimulo acri ortas.

Haec ophthalmia vulgo oritur die 2^o ad 8^m, et sequentibus sese declarat symptomatibus: tument palpebrae in primis superiores; oculi in initio ficci sunt, dein vero spissam, flavam vel viridescentem, magis minusve copiosam materiem fundunt. Raro hoc in casu, uti recte monet Hahnemann, oculorum bulbus laeditur, interdum autem prae palpebrarum tumore bulbum conspiciere non licet.

Pluries observata fuit haec ophthalmia

mia a doct. Doublet (16), postquam gonorrhoea imprudenter erat suppressa, qui addit, eo in casu saepius organum visus graviter laedi, et restitutâ gonorrhoeâ ophthalmiae symptomata fuisse fedata.

Materies, quae in hac ophthalmiâ fecernitur, in initio serosa et parca est; post aliquot autem dies augetur haec secretio, et dein auctâ inflammatione actio glandularum, humores fecernentium, mutatur, unde mucus ab iis secretus amittit blandam crasin, et materia purulenta ex oculis depluere incipit (17); contactu aëris facile haec materia spissitudinem contrahit, et hinc palpebrae

qua-

(16) Doublet. l. c.

(17) Conf. Clar. Stratingh, Disfert. inaug. de Ophthalmiâ Neonatorum, Gron. 1798. — Hahne-
mann l. c.

quasi conglutinantur; si haec materies purulenta supra linteum colligatur et ficcatur, colorem flavum vel viridescentem ostendit. Diminutâ dein inflammatione haec secretio mutatur iterum, et fit mucosa.

Tumescencia palpebrarum vulgo a die 12^o ad 16^m imminuitur, omnia symptomata definunt, et sic identidem ad statum normalem redeunt oculi.

Ophthalmia venerea in eo ab aliis ophthalmiae speciebus neonatorum diversa est, quod vehementiori modo oculi bulbus adgrediatur.

Ab ophthalmiâ, a vitio scrophuloso ortâ, praesertim discernitur eo, quod ea consistat in parvis ulcusculis, serum acre fundentibus, quae ex bulbis ciliorum, morbose affectis, oriuntur.

Ilic tandem animadvertendum est, Lucem veneream aliquando in nonnullis

lis infantibus (quod etiam interdum locum obtinet in adultis) sese non ostendere nisi post aliquot tempus; praeterea vehementiam symptomatum eo maiorem esse, quo morbus sit magis inveteratus.

Ex dictis liquet, diagnosin Luis venereae infantilis fati difficilem esse; et certe in hoc etiam morbo verissima est observatio illa generalis doct. Wichman (18), maiorem scilicet infantum mortalitatem primâ vitae periodo, ratione vitae magis provectae habitâ, in primis repetendam esse ex difficiliore et nondum satis elaboratâ morborum infantilium diagnosi. Maxima igitur cum attentione est agendum in explorandis symptomatibus, ut morbus rite cognos-

(18) Wichman, *Ideën zur Diagnostiek*. 1794. Tom. I, pag. 22.

noscatur, et iusta medendi ratio instituat.

C A P U T III.

De Prognosi.

§ I.

Multiplici auctorum observatione constat, Luem veneream infantum magis quam adultorum esse periculofam; prognofis quippe in genere infausta est; pluribus enim in cafibus infantes, quamvis ipfius Luis venereae fymptomata non amplius obferventur manifefta, fequelis morbi adeo atrocis diutius laborant, et pristinam fanitatem vix ac ne vix quidem recuperant; corporis tunc incrementum tarde admodum pro-

ce-

cedit, et omnia organa debilitantur, habitus scrophulofus et ipfa scrophula, rachitis, diarrhoea colliquativa aliaque atrophiae indicia adveniunt, et tandem aegrotantes, hisce confecti malis, miseram vitam faepissime cum morte commutant (19).

Prognosis autem differt pro variâ ratione infectionis; quando enim contagium fuscipitur durante partu, minus periculofum est, quam si illud iam in utero contrahatur, vel a nutrice comunicetur.

Praeterea pro numero et vehementiâ fymptomatum prognosis est valde varia; Morbus eo gravior est, quo laefiones maiores aut ulcerationes profundiores fuerint, vel organa nobiliora occupaverint;

(19) Conf. Richter l. c. Tom. V. Doublet l. c.

rint; hae enim causae morbificae gravitatem et perfectae sanationis difficultatem indicant. Si igitur solam cutem occupent et parvae sint sine marginibus callofis, spes sanationis promptae affulget; et contra, si chronicam prae se ferant faciem, et corpus simul omni ex parte debilitatem monstret generalem, morbum hunc tollere vix amplius sperare licet.

Si ulcerationes circa umbilicum et in regione ossis sacri adsint maiores, et altius penetrent, infantes plerumque, teste Clar. Richter (20), gravissimis doloribus et febre lentâ obortis, ad plures abeunt.

Mali certe ominis est, quando virus venereum latens, aliquo temporis spatio

tio

(20) Richter l. c. Tom. V pag. 557.

tio praeterlapso, erumpit; caeteris enim paribus Lues venerea, quo recentior, eo minus est periculosa; contra vero est tanto gravior, quanto magis inveterata et per totum corpus diffusa; tunc quippe omnium organorum actio specifico hoc stimulo mutatur, secretiones hinc omnes evadunt morbosae, et humores praebent indolis valde vitiatæ; unde tunc universum corpus tandem corripitur, et debilitas generalis ac atrophia oriuntur.

Mala etiam est prognosis, quando una cum signis Luis venereae indicia apparent aliorum morborum ex. gr. affectionum rachiticarum vel scrophulosarum, quae non raro in debilitato corpore mortem accelerant.

Pessima vero est complicatio cum scorbuticâ affectione. Nullum fane morborum genus reperitur hac complicatione

atrocius, magis aegrotos pluribus modis excrucians, curatu difficilior, et remediis efficacissimis pertinacius resistens.

Salutem augurare licet, si infantes non nimis debiles sint.

Quod ad ophthalmiam veneream attinet, haec, ubi causa sit evidens, et citius medicamina apta administrantur, saepius vinci potest absque laesione ipsius organi visus (21). Quo in casu tantum palpebrae et tunica oculi adnata ferofa inflammatione afficiuntur, sed, morbo progrediente et neglecta debita cura, bulbus ut plurimum corripitur, et medicamentorum apparatus longe maior.

(21) Colombier de morbis venereis neonatorum. Prostat haec tractatio in Actis sociat. reg. med. Paris 1797. — Girtanner, l. c. pag. 32. — Hahnemann, l. c.

iolem et diuturniorem, ne tandem visus facultas deleatur, expostulat (22).

Observandum autem est, inflammationem nonnunquam ob neglectam debitam oculorum depurationem et acridinem materiae purulentae valde augeri, unde non raro varia oculorum vitia producuntur, v. c. materies illa acris corrodit ipsum oculi bulbum, eiusque fabricam organicam destruit, unde hypopion, ulcera et maculae corneae, staphylo-ma, aliaque exfurgunt mala. Tunica quoque albuginea saepe inflammationem subit, unde abscessus in eâ oriri queunt.

Liceat his quaedam addere de virus venerei indole:

Quamvis non cogitandum sit, virus venerei naturam esse aliam in infantibus, ali-

(22) Doublet, l. c.

aliamque in adultis, symptomata tamen, quae in utrisque producit, multum differunt; sed, quemadmodum natura virus cuiusvis adhuc ignoratur, idem etiam de viru syphilitico valere, nullus non credit.

Recenter ingeniosam, sed forsan nimis hypotheticam, finxit opinionem clar. Vogel, dum syphilitidem consistere cogitaret in coniunctione virus leprosi et labis scorbuticae, et inde explicare vellet, quare in hoc morbo mercurialia sola, cum antiscorbuticis et roborantibus non iuncta, potius noceant quam profint.

Alii crediderunt, hoc virus naturae esse acidae et corrosivae (Cf. Astruc, Girtanner, Horn, Besnard). Alii existentiam animalculorum, quae contagium propagarent, finxerunt.

Alii porro ex legibus chemicis virus actionem explicare tentarunt, ex mutata

tâ

tâ nempe proportione mutuâ principiorum simplicium carbonii et azoti (23).

Alii denique actionis huius materiae syphiliticae rationem posuerunt in defectu oxygenii, et hancce sententiam ex remediorum antisymphiliticorum indole confirmare conati sunt. Cuique satis cognitum est, summum virum Fourcroy in eâ versari opinione, oxyda metallica re verâ in hoc morbo decomponi, oxygeniumque suum fibrae animali largiri. Hac opinione nititur theoria cel. Alyon (24), iuxta quam oxygenium est sola et unica materies, quae labem syphili-

li-

(23) Iuch und Weber, Dissert. de causâ Luis venereae proximâ, Erf. 1743.

(24) Alyon über die eigenschaften des Sauerstoffs als heilmittel, und über die anwendung dieses princips in versch. krankh. a. d. Fransz. mit anmerk. Leipzig 1798.

liticam tollit; quia hydragyrum in statu metallico nunquam hunc morbum fustulit, sed tantum, si cum oxygenio unitum oxyda formaverit; quia porro hydragerum est illud metallum, quod longe maximam oxygenii copiam assumit, et omnium facillime iterum amittit, in primis, si partes animales attingat, quae tantâ vi oxygenium arripiendi pollent; unde medicamentorum mercurialium praestantia prae reliquis egregie elucet, uti et ducentis observationibus, felici eventu coronatis, Alyon se convictum testatur, solum oxygenium hanc labem tollere.

Sic etiam Cruikshank et Rollo aegrotos suos sanarunt remediis, oxygenio scatentibus, uti acido nitrico et nitroso, acido muriatico oxygenato, acido citrico, muriate potasae oxygenato, cuius salis egregios effectus observavit Cruikshank in septemdecim aegris,
uti

uti eosdem effectus ab acido nitrico et nitroso (25) experti fuerunt Browne, Carrick, Hammick Junr., Ferriar etc.

Effectus hi adeo fausti certe quam maxime favent illorum sententiae, oxygenii nempe defectum esse Luis venereae scaturiginem, ast ab alterâ parte multorum etiam medicorum observationes utilitatem hanc medicamentorum, oxygenio abundantium, non confirmarunt; sic enim Bell, Blair, Bowles, Carmichaël, Girdelstone, Hopper, Kerrison, Lind, Macartney, Mitchille, Pearson, Swediaur etc., ab hisce remediis in Luë
ve-

(25) Die neueste erfahrungen brittischer Aertze, über die werkungen der Salpeterfaure in der Lustfeuche von Th. Beddoes; aus dem Engl. übersetzt und mit einige anmerkungen versehen v. Dr. F. G. Frieße. Breslau 1799, 8vo.

venereâ vix ullum bonum viderunt effectum. Ex his patet, omnem de Luis venerac naturâ disputationem magnis premi difficultatibus, et hucdum veritatem latere.

C A P U T IV.

De Ratione Medendi.

§ I.

Ex iis, quae de morbo venereo infanti-
li iam diximus, et quae de variis mo-
dis, quibus contagium cum infantibus
communicatur, monuimus, ultro liquet,
momenta curationis non semper eadem
esse, sed varia pro ratione diversâ in-
fectionis, vehementiâ symptomatum,
cōditione aegri etc.

In genere autem satius est, si illud fie-
ri

ri possit, morbum praevenire; quam ob rationem, si durante partu mater fuerit affecta fluore albo syphilitico, vel etiam muliebria ulceribus venereis correpta fuerint, illico, membranis disruptis et aquâ expulsâ, lotiones, e solutione sulph. acid. alum. vel etiam muriatis hydrargyri paratae, instituendae sunt, ne infans viru syphilitico afficiatur; contra vero, si vagina ficca et ulceribus sit obducta, iniectiones cum oleo vel inunctiones cum unguento mercuriali profunt. Partu peracto corpus neonati curatius est depurandum, et si illud consultius habeatur, solutio muriatis hydrargyri lotionis instar adhiberi potest.

Hisce cautelis observatis nonnunquam infantis infectio, durante partu, praepedita fuit (26). I^o

(26) Conf. Richter, l. c. Tom. V. p. 778.

I^o Quando mater, tempore graviditatis, signa labis venereae manifestet, ideoque de affectione foetus cogitandum sit, debitis tunc medelis, matri exhibitis, virus est extinguendum, quâ ratione simul, sanatâ matre, infantis sanatio obtinetur.

II^o Infante autem in lucem edito et lactente, nonnunquam matri vel nutricibus medicamina antivenerea administrantur, quo modo et ipse sanatur infans.

III^o Sed saepius ipse infans directe iusto medicaminum apparatu adgreditur.

§ 2.

Curatio gravidarum.

Praeconceptâ opinione, in quâ per longum sat tempus nonnulli medici versabantur, cura gravidarum, Lue venereâ affectarum, non admittebatur, nisi post partum, ne scilicet infans remediorum
mer-

mercurialium usu moriretur, vel abortus provocaretur.

Verum iam Musa Brasavolus, laudans frictionum mercurialium usum in morbo venereo, eas etiam commendavit in tali gravidarum morbo; praeterea circa annum 1650 nosocomia extruebantur in Galliâ, quae solummodo ad gravidas, labe venereâ correptas, pertractandas erant adaptata, in quibus cura antisyphilitica, aliis rebus circumstantibus illud non vetantibus, prorsus observabatur.

Haec medendi ratio melior est methodo palliativâ, quae a nonnullis commendatur;

1^o Quia symptomata syphilitica, quibus mater laborat, ita durante graviditate augeri possunt, ut morbus facile periculosus fiat; quo in casu etiam summum est ipsius foetus vitae periculum; obser-

vatio enim abunde docuit, non raro abortum provocari a Lue venereâ gravi. Animadvertendum tamen est, remediis mercurialibus, in Lue venereâ gravissimâ necessariis, aliquando foetus ita affici, ut eius vita extinguatur. Quaestio itaque hic exfurgere potest, an foetus vita salute matris sit anteponenda? nobis interim videtur, curam matris anti-veneream semper, ast prudenter, esse inchoandam, nisi mater in ultimo graviditatis mense versetur.

2^o Quia sic eodem plane modo ac viâ, quâ cum foetu contagium fuit communicatum, medicamenta ipsi foetui exhibentur.

Quando itaque gravida methodo anti-venereâ est tractanda, eo maiore cum successu cura institui potest, quo longius a partu femina absit.

Hæc autem methodus dividi potest
in

in curam praeparantem, et in proprie sic dictam antisyphiliticam.

Si ullus sit morbus, qui et ob causam et eius indolem et aegri conditionem, maximam medici prudentiam in agendo requirit, extra omne dubium talis est Lues venerea gravidarum.

Primis igitur diebus decoctum quoddam diluens est administrandum, v. c. decoctum graminis vel hordei cum oxymelle, similiaque. Balnea interim, quorum effectus sub usu hydrargyri iure laudatur, hoc in casu maximâ cum prudentiâ sunt adhibenda; observatio enim abunde docuit, a balneis nimis calidis vel nimis repetitis facile abortum oriri, praesertim si femina valde sensibili atque debili gaudeat constitutione. Duo sufficiunt balnea scopo proposito attingendo, nimirum cutis puritati promovendae atque aegrae ita praeparandae, ut hydrargy-

gyrum iustum praestare possit effectum.

Praeterea, si alvus tarda fit, leniter movenda est; remedio enim laxante tollitur etiam dispositio, quam aegra habere posset ad affectiones gastricas, quae non raro durante usu hydrargyri observantur; sed laxans hoc sumendum est e classe eccoproticorum, v. c. e tamarindinatis, cassiâ, mannâ cum paucâ sulphatis fœdæ quantitate.

Venae sectiō neutiquam est commendanda, nisi plethora manifesta adfit.

Aegrae, ita praeparatae per quinque vel sex dies, hydrargyrum datur, aequè ac si non gravida esset, et sub formâ frictionum, vel usu interno cuiuscunque praeparati mercurialis, administratur.

Quando itaque frictionibus gravidam sanare conabimur, incipiendum est a drachmâ dimidiâ unguenti oxyduli hydrar-

drargyri, secundum Pharmac. Batav. parati. Ubi vero cutis adeo ficca est, ut balneis praegredientibus ficcitas tolli non potuerit, balneorum effectus augeri potest insequente frictione oleofa v. c. cum oleo amygdalarum, institutâ ante applicationem unguenti. Tertio die secunda frictio est instituenta, et sic deinceps altero quovis die. Dosis unguenti identidem augetur ad drachmam $1\frac{1}{2}$, raro ad drachmas duas; durante cura omni hebdomade balneum tepidum sine ullo periculo in usum vocari potest.

Si vero usum hydrargyri internum praeferamus, ante omnia bonum hic praestabit effectum Liquor swietenii.

Prima dosis huius liquoris $\frac{1}{8}$ grani unius muriatis hydrargyri continere debet; post aliquot vero dies pro re natâ identidem dosis augetur ad $\frac{1}{4}$ grani; deni-

nique, si gravida sit sana et robusta, hydrargyrumque insuper bene ferat, ad $\frac{1}{2}$ gr. quotidie dari potest, sed si res circumstantes non ita sint, tantummodo $\frac{1}{4}$ gr. sufficiet.

In mercurio porrigendo praefertim attendendum est ad aetatem, dispositionem corporis peculiarem genus, vitae etc. gravidarum, tum etiam ad statum ipsius morbi, qui nimirum vel inveteratus vel cum aliis morbis complicatus esse potest; his enim omnibus dosis hydrargyri determinari debet. Semper post usum huius liquoris poculum, quocumque decocto involvente mucilaginoso repletum, insuper bibendum est, e. gr. decoct. hordei vel sem: lini, similiumque; hic etiam nonnunquam profunt decocta lignorum.

Alia etiam praeparata mercurialia adhiberi possunt, ita doct. Swediaur
lau-

laudat ufum mercurii gummoſi Plenc-
kii ad ſcrupulum unum vel duos, cu-
ius dimidia pars mane, altera vero ves-
peri eſt ſumenda cum quodam' decocto
mucilaginoſo.

In caſibus nonnullis recentibus murias
hydrargyri oxydulati conducere poſteſt,
doſi i aut $1\frac{1}{2}$ grani, quae augetur vel
imminuitur pro re natâ.

Syrupus ita dictus fudorificus eti-
am propoſitus eſt, qui paratur ſequenti
modo:

℞ Raſur: Guajac:

Rad. ſarſâparill. ā ℥ i.

Dig. per 24 horas in aq: ℥ xii.

Dein bene coq: ad coll. ℥ vi.

Add. Sacch. commun. ℥ $1\frac{1}{2}$,

Mell. alb. ℥ i.

Sum. 4 ad 8 unc. quotidie,

Hocce vero remedium vix quidquam
boni praeſtare poſſe mihi videtur, niſi in

ca-

casibus levissimis, ubi murias hydrargyri non ita erat indicatum.

Affectiones syphiliticae locales pro variâ fede, indole etc. curandae sunt eadem ratione ac in non gravidis.

Quaenam etiam medendi ratio eligatur, semper cavendum est, ut omnia momenta, supra enumerata, curatius observentur. Inter regulas hygienae primum occupat locum, ut habitet aegra in loco saluberrimo, ubi aër facile renovari possit, et durante totâ curâ alimenta sumat bene nutrientia et facile digerenda.

Verumtamen ad primum ptyalismis indicium statim ab usu mercurialium est abstinendum, et decoctis emollientibus et sedantibus ulterior huius affectionis progressus est avertendus, uti dec. althaeae, vel hordei, vel etiam tenui infuso flor. chamemaecli, cui nonnunquam pauca opii quantitas addi debet. Hoc in casu
ad-

adhiberi nequeunt drastica, vel purgantia, vel acetis plumbi liquida concentrata, similiaque, quorum usu facile abortus oriri posset; meliore autem cum successu et minore simul periculo vesicatorium applicari potest cervici vel alio corporis loco, ut excitetur irritatio, medicaminis stimulo plane opposita, quod saepe iuvat, imo in ptyalismo graviore.

Monendum tamen est, quamvis cura gravidarum bene accommodata sit diverso graviditatis tempore, exceptionem adhuc dari, si nempe ultimus graviditatis mensis adsit; partu enim superveniente cura perturbaretur et sperato careret effectu. Quando igitur symptomata Luis venereae gravia hac graviditatis periodo adsint, methodus palliativa est instituenda, et hic vel illic frictiones mercuriales adhiberi possunt, vel etiam, quemadmodum commendat doct.

D Dou-

Doublet, datur tantummodo gr. unum mur. hydrarg. oxydulati. Denique, si affectionibus venereis muliebria sint affecta, v. c. ulceribus syphiliticis, pustulis, similibusque, harum affectionum sanatio, si fieri possit, tentanda est ante partum, applicato nimirum unguento mercuriali una cum usu interno decocti lignorum.

§ 2.

Curatio Nutricum.

Secunda methodus curandi infantes, syphilitide correptos, quam proposuimus, consistit in nutricibus curandis, quando forte matres ob hanc illamve rationem, durante graviditate, idonea et necessaria assumere non potuerint medicamina, v. c. uno alterove morbo interveniente vel tempore ipsius partus
ni-

nimis appropinquante; hac enim ratione medicamina viâ lactis ad lactentem pervenire possunt ac debent.

In puerperio cura differenda est in illud tempus, quo lochia non amplius observantur, et eadem remedia, eodem plane modo et iisdem sub cautelis, administrari debent, quae ipsis gravidis sunt commendatae. Praeterea, si infans et nutrix, durante curâ, morbo quodam afficiantur, vel etiam solus infans aegrotet, ulterior medicaminum usus eo tempore est interdicendus, sed repetendus est, quando aegri convalescentis res horum usum iterum admittunt.

Quamdiu haec aegrorum cura antisyphilitica durat, diaeta sana et bene nutriens est eligenda, ne sorte lactis secretionem vires nimis exhauriantur.

§ 3.

Curatio Infantum.

Quando infans neonatus signa syphilitidis denotat, instituenda est curatio vel mercurio administrando nutricibus, vel medicamine hoc ipsi infanti exhibendo.

Infantes medendi ratio, lacte nutricum, veteribus iam fuit cognita, et eam forte ob rationem, quia plures observationes docuerant, medicamenta nonnulla, a matre vel nutrice assumpta, eosdem in infantibus lactentibus largiri effectus, et illarum animi pathemata in his infantibus sese ostendere.

Hippocrates lactem nutricum unicum designat remedium, quo infantes sanari possunt (27), quemadmodum doct.

As-

(27) Hippocrates, de Epidemius. L. III.

Astruc (28), alique hunc modum forum commendant in curandis infantibus, labe venereâ correptis.

Quamvis lac feminarum et animalium, quibus per aliquot temporis spatium hydragryrum fuisset administratum, nullum huius metalli signum ostenderet (29), inde tamen concludere non licet, lac eiusmodi viribus antivenereis esse destitutum; cortex enim peruvianus, a matre sumtus, cum lacte vim antifebrilem communicat; sic etiam purgantibus, nutritici datis, infantis alvum moveri docuit observatio, etsi haec medicamina in ipso nutriticis lacte non inveniantur. Praeterea hoc modo saepissime curatio est instituta optimo non sine effectu.

Quod

(28) Astruc, l. c. Tom. I.

(29) Berthollet, Disertatio de lacte animalium medicamentofo, 1779.

Quod itaque attinet ad curam infantum ope medicaminum, nutricibus exhibiturum, nil iis, quae supra diximus, est addendum, sed effectus hydrargyri, quod nutrix assumit, curatius observandus est; non raro enim a nimia quantitate huius metalli tormina ventris oriuntur simul cum diarrhoea, quae non tantum nociva, sed etiam letalis fieri potest (30).

Quamvis negari nequeat, hoc modo multos infantes sanari, docuit tamen experientia, in nonnullis casibus, sanationem infantis non peractam fuisse mercurio, a nutrice sumto. Quapropter, his in casibus, adduntur frictiones cum unguento mercuriali, vel etiam doses parvae muriat. hydrarg. oxydulati.

Quando e contra infantem lactentem

di-

(30) Swediaur, l. c. Tom. II, pag. 195.
Doublet, l. c.

directe tractare velimus, huic scopo optime satisfacere potest murias hydrargyri, quod praeparatum satis bene ferre solent infantes, in primis si datum fuerit cum laudato syrupo sudorifico (31).

Dosis muriatis hydrargyri minima, diversa tamen pro aegri conditione, esse debet; quando igitur aetatem sex mensium non attigerit infans, $\frac{1}{24}$ gr. datur pro dosi, sed dein augeri potest ad $\frac{1}{12}$ gr. per diem (32).

Eadem hic momenta sunt observanda, quae in adultis commendantur, nimirum hydrargyrum semper dari debere simul cum uno alterove syrupo vel decocto quodam.

Si curationi superveniat dentitio, in
pri-

(31) Richter, l. c. Tom. V, pag. 560.

(32) De Horne, Observations sur l'administration du Mercure. T. I, pag. 41.

primis si cum symptomatibus morboſis appareat, per hoc temporis ſpatium omnis horum medicamentorum uſus eſt ommittendus.

Murias hydrargyri oxydulati hic etiam in cenſum venire debet; ſaepe enim hocce ſolo remedio curatio eſt abſoluta. Sumitur vulgo granum dimidium vel una quarta grani pars mane et vesp̄ri, cum potu quodam involvente, et plerumque ſanatio ſex granis huius medicaminis peragitur (33).

Verum enim vero ſi infans ſit ablactatus, ſanatio eſt tentanda adminiſtratione directâ hydrargyri, et hoc in caſu ante omnia eſt animadvertendum, quod quantitas huius metalli ſit moderanda iuxta ætatis, virium, aliarumque rerum circum-

cum-

(33) Buchenholz, in Roſenſtein's Kinderkrankheiten, 6^e Aufl., pag. 767.

cumstantium rationem, v. c. infanti aetatis unius anni ad quatuor usque $\frac{1}{12}$ gr. mur. hydrarg. sufficit; infanti 6 annorum $\frac{1}{8}$ gr. huius remedii datur; et sic dosis augetur identidem ad $\frac{1}{6}$ vel $\frac{1}{4}$ grani.

In frictionibus adhibendis eadem sunt observanda, v. c. pro primâ frictione in infante 3 annorum ad 6, gr. 10 ad scrup. unum cum dimidio fumuntur, quae quantitas augetur aut diminuitur pro ratione virium, dispositionisque peculiaris aegrotantium.

Balnea tepida durante administratione hydrargyri valde profunt.

Quod attinet ad fumigationes mercuriales, quibus nonnulli medici Luem veneream infantum, in primis affectiones locales curare speraverint (34), uti etiam

(34) Gardane, detail de la nouvelle direction du Bureau des nourrices de Paris, 1775.

am ad frictiones mercuriales, in caprâ factas, unde huius animalis lac hydrargyro impregnatur, quod infanti praebeatur, quemadmodum commendant doct. Levret et Swediaur, tantum notamus, hanc methodum hodie fere absoletam esse; multiplici enim experientiâ evictum est, huius effectus voto non respondere (35).

Inter omnia symptomata localia syphilitidis infantilis primum locum non tantum occupat ophthalmia venerea, verum etiam magnam requirit attentionem, prudentiamque in aegris curandis.

Haec ophthalmia, quemadmodum supra monuimus, plerumque ab infectione locali oritur, et cura, maximâ ex parte anti-

(35) Metzger, Kurz Inbegriff. d. Lehre, v. d. Lusts. Koenigsb. 1800, § 306.

riphlogistica, hic eligenda esse nobis videtur.

1° Igitur attendendum est ad topicam vaforum evacuationem; conducunt hanc ob causam hirudines, temporibus vel oculis appositae, uti etiam doct. van der Haar affirmavit, hirudines oculis appositas in quavis ophthalmiâ, ab acri obortâ, plus boni praestare quam repetitas venae sectiones (36).

Impetus praeterea inflammationis corrigenda est remediis emollientibus et involventibus, uti sunt decoctum altheae, mucilago sem. cydonior. etc; interdum pauca opii quantitas cum emolumento hisce fomentis additur; uti etiam lac ad oculos depurandos commenda-

(36) van der Haar, Heelkundige Waarnemingen, 32.

datur a doct. Ware (37). His remediis acris involvitur materies, et nimia partium laesarum sensibilitas diminuitur.

Clysmata multum boni praestare plures observarunt, si ex corporibus parum irritantibus praeparentur.

Emplastra vesicatoria, ut humorum impetus ab oculis derivetur, satis laudari nequeunt; tam diu tamen sunt applicanda, ut lenem producant suppurationem.

Observatione denique multiplici, satis cognitum est, primo huius ophthalmiae stadio hydrargyrum neutiquam esse adhibendum; nemo porro inficias ibit hydrargyrum externe applicitum, acredine
sua

(37) J. Ware, Remarks on the ophthalmy, psorophthalmy and purulent eyes etc. London 1780, horum duorum oper. brevis expositio exhibetur in auserl. Abb. von Koch. T. IV, part. I, pag. 46. et T. VI, pag. 424.

suâ interdum irritare et inflammationem augere. Hanc opinionem quoque amplexus est doct. Koch (38), affirmans, ophthalmiam neonatorum veneream optime tolli posse absque remediis anti-venereis.

Ultimo tamen stadio, ubi collyria parumper stimulantia multo cum fructu adhibentur, solutio etiam muriatis hydrargyri valde prodest (39).

Quando exanthemata venerea observantur, inunctiones topicae cum unguento oxyduli hydrargyri instituendae sunt, additis insuper huius unguenti parti uni sex partibus axungiae porci, vel maiori minorive copiâ pro re natâ.

Hoc remedio etiam uti possumus in
tu-

(38) Auferles. Abhandl. T. V, pag. 563.

(39) Richter, l. c. T. V, pag. 563.

tumore glandularum, tuncque unguenti oxyduli hydrargyri parti uni axungiae porci tantum partes tres adduntur.

Vulgo praeterea ulcera et pustulae venerae adfunt, quae, si valde doleant, modo antiphlogistico et emollientibus tractari debent, v. c. Inf. herb. malv. vel althaeae, cui addi possunt aliquot guttae vini opii aromatici. Si autem haec chronica fiant, solutio muriatis hydrargyri, valde diluta, adhiberi potest.

Icterus aliquando observatur in neonatis, syphilitide correptis, qui tamen, quoniam cum ipsa Lue venerea nihil commune habere videtur, modo ordinario tractari, aut naturae prorsus relinqui debet.

Ob praesentiam vermium, in intestinis nidulantium, cura antisyphilitica nunquam postponenda est. Si vero affectiones nervosae ab hac causa oriantur, in-

intermittenda est cura, sed repetenda, symptomatibus cessantibus. Monendum interim, ut hoc in casu, durante usu hydrargyri, nonnunquam purgantia anthelmintica conducere possint, ad vermes extinguendos et expellendos.

§ 3

Quaevs denique medendi ratio sustentanda est apto regimine pro ratione diversâ debilitatis et aetatis aegrorum, vehementiae ac numeri symptomatum, et si infans adhuc lacteat, pro quantitate et qualitate lactis ipsius nutriticis.

Regulae hygienae hic praesertim sunt observandae, corpus infantile sedulo est depurandum, et saepe cum infante in aëre aperto et salubri est deambulandum.

Hoc

Hoc modo cura vulgo succedit a mense secundo ad tertium usque. Licet interim optima medela tempestive adhibeatur, lento tamen gradu sanationis scopus attingitur.

T A N T U M.

T H E S E S.

I.

Falsa mihi videtur opinio eorum, qui putant omnem aquam, in aëre expirato obviam, conflari in pulmonibus ex oxygenio aëris atmosphaerici inspirati et ex hydrogenio ipsius sanguinis venosi.

II.

Quamvis non negemus, circulationem sanguinis maxima ex parte absolvi contractione cordis, vim tamen arteriarum quin et vasorum capillarium hic nequaquam esse excludendam, censemus.

III.

T H E S E S.

III.

Cibus et Potus non sola gravitate per oesophagum descendunt, sed etiam ipsius contractione deorsum pelluntur.

IV.

Saliya, bilis et urina, ante secretionem, qua tales in sanguine existere negamus.

V.

Concedimus bilem quidem secerni ex sanguine venae portarum, arterias tamen ad secretionem etiam necessarias esse, contendimus.

VI.

Febres gastricae et biliosae, licet saepe complicatae, tamen diversae sunt naturae, diversumque postulant curationem.

VII.

T H E S E S.

VII.

Febris typhoides ab initio remediis excitantibus non est tractanda.

VIII.

Corticis peruviani, lichenis islandici, aliorumque roborantium usum quamvis in phthysios pulmonalis initio prudens raro admiserit medicus, in phthysi tamen pituitosa, post febres catarrhales et catarrhum superstiti, ab iis saepe salutem potest expectare aeger.

IX.

Bronchotomia nimis negligi mihi videtur; saepius enim ubi instituebatur, successu sperato non caruit.

X.

T H E S E S.

X.

Si aliquod remedium specificum dici liceat, hydrargyrum tale salutandum est in Lue venerea.

XI.

Iure meritoque Hippocrates dixit: Sanguinem carnem fluidam.

XII.

Multis difficultatibus premitur sententia illorum, qui statuunt, plantas omne nutrimentum ex aqua haurire, et vi organisationis suae, durante vegetatione, sole collustratas, variare principia, terras, metalla, sulphur, phosphorum, carbonium et alia, quae simplicia videntur; sola autem oxygenium, hydrogenium, et caloricum vera principia simplicia videri.

XIII.

XIII.

Cum ex variorum experimentis satis appareat, acidum muriaticum continuo, in primis tempore aestivo, ex oceano elevari, et sic ab aëre atmosphaerico suscipi, haud dubitamus, quin acidum illud muriaticum proprietate sua antiseptica multum contribuat ad putridas et nocivas exhalationes, quae ex aqua marina, in primis autem ex littore adscendunt, corrigendas.

